

長樂縣志卷之五

營建

詩曰經始靈臺經之營之是故

國家新闢土疆欲立城郭宮室等制必先經營之盡善焉長樂在土司時雖有營建然無城郭之完即宮室等制亦未必盡美也自設縣之餘臬司王原巡道姜邵湖相度地勢令前任張曾穀領銀一萬七千三百有奇鳩工庀材而一切城垣宮室等制於是乎創亦可謂經營慘淡矣百餘年來宰斯邑者間有補修迄今雖欲踵事增華末由也已志營建

縣志

卷之五

營建志

城垣

王公設險以守其國故城池設焉所以資捍衛者也長樂自雍正十三年改土後乾隆元年設縣二年始憑山跨澗相勢興築期年工竣周圍六百一十二丈計三里四分高一丈五尺八寸平地二百八丈山上四百四丈高九尺八寸城門四東曰曦和南曰薰風西曰昭化北曰鎮安雉堞具備層樓高建溪流其中先建木橋原名得勝後史公偉烈任內改建石橋名安化以通人行焉

城南北各缺數丈以通溪流前任潘紀洙詳明不能



修復且山高於城故特厯堂上之憂君子曰在德不  
在險道光癸卯喬守中重修同治九年龍兆霖補修  
衙署

知縣署在山窪間原爲土司署乾隆元年改建頭門  
三間坐北向南對面照牆一座儀門三間門外西偏  
爲捕衙署又監獄一所監門一間監倉三間內外監  
各二間戒房一座東西書皂房十間左右常平倉各  
二間左考棚門樓一座右福德祠一間內值日差房  
一間大堂三間堂左更役房一間東偏連倉神祠庫  
房三間進內廂房六間穿廳一座二堂三間左廚房

長樂縣志

卷之五

建置

二

一厦下土地祠三間右進花廳一間又西進門樓一  
座廂房一間有花廳六間廚房一間門樓一座圍牆  
一道咸豐元年李煥春重修二堂旁有小房一格進  
內左右廂房各二間穿廳一座上房五間後圍磚牆  
西花廳後有亦樂園舊名繫園前任劉煜創修方舟  
大草廳一間後徐輔忠額以中隱進內公餘草堂三  
間環堵蕭然右旁月宮門一道門前植有樹木壘石  
爲小山一座並鑿曲池一口池名約萍旁有板橋一  
道過橋有草亭一間前任徐輔忠額以涵春並有詩  
歷任皆有補修後橋與草亭均廢咸豐元年李煥春

任內重修更易闔門定其名曰亦樂園光緒元年照  
牆側置左右柵欄顏曰城環一水郭坵五峯大堂右  
新建福德祠供託塔將軍於其上署內三堂及大花  
廳等處均爲改造修理所費浩繁皆鄭敦祐經理規  
畫一新光輝四映而岩疆舊染亦從此改觀云

常平倉房在大堂東階下考棚龍門內共倉房十六  
間以年登大有呂律調陽秋收冬藏咸豐盈亨爲號  
乾隆三年建嘉慶十三年前任劉煜修道光二十四  
年前任喬守中同倉神祠等處重修後歷任捐攤其  
費同治九年春龍兆霖捐廉修葺倉神祠光緒元年  
鄭敦祐補修木瓦牆垣堅固不朽矣

長樂縣志

卷之五

建置

三

考棚由縣署大堂下進門樓一座進內二門一座內  
有紫薇花一株再進有大門三間左右號舍各五間  
均有石棹木椽衡鑿堂三間轉左小涼亭一座右旁  
有廚房一廈周圍磚牆道光十八年前任胡馨倡士  
民等捐修未竣交蔡任承辦旋接署復修至楊際昌  
任工竣光緒元年夏五月鄭敦祐改建雲路門而規  
模更宏敞矣

同知衙署一所在漁洋關雍正十三年原駐灣潭卽  
縣丞署後與縣丞對調改駐此大門三間照牆一座

二門三間東西書皂房六間大堂三間左右廂房四間過廳一間二堂三間進內書房三間廚房三間上房三間乾隆三年前任張曾毅詳案後嘉慶十四年同知改駐歸州之新灘衙署遂廢

儒學衙署一座大門一間進內明倫堂三間東偏二門一間進內大堂三間左右廂房各一間上房二間乾隆三年卽有學宮三十三年始設儒學張天培自興山縣調撥至此倡修道光十三年儒學趙以恂重修穿廳一座三十三年儒學潘炳勳增修上房

典史衙署在縣署儀門西偏頭門一間東邊書吏房

長樂縣志

卷之五

建置

四

二間道光二十九年倒塌咸豐元年七月代理典史張瀄重修西邊皂役房二間道光二十八年倒塌大堂三間乾隆三十六年典史聞人濟重修二堂三間乾隆五十一年典史徐夔添建捲棚一間住房三間道光三十年典史張運鈺添修西廂房二間廚房一間二堂東首書房一間道光二十九年典史張運鈺補修前有栢樹一株高數丈

縣丞衙署一所在灣潭保原係同知署照牆一座頭門一間東邊斗級房二間西邊舖司房二間二門一間書吏房二間皂役房二間均係嘉慶道光年間倒

場基址現存倉房二所東邊衙神祠一間大堂三間  
咸豐元年六月倒塌前有栢樹五株二堂三間前有  
核桃樹一株大可合抱住房五間廚房二間咸豐二  
年縣丞徐濬倡修至錢慶餘任內重修

本城汛衛昌營右哨千總衙署一所在縣河西岸照  
牆一座大堂三間咸豐元年千總朱發科重修大堂  
三間左右廂房四間穿廳一間上房五間廚房一間  
馬房一間光緒元年縣令鄭敦祐爲增置花廳於汛  
右并書房一間

灣潭汛衛昌營左哨千總衙署一所雍正十三年守

長樂縣志

卷之五

建置

各

備張文藻駐此同建照牆一座頭門二間儀門三間  
東西科房六間大堂二間二堂三間三堂三間東廂  
房三間有古桂花木瓜各一株西廂房三間廚房二  
間馬房二間後守備改駐鶴峯州設千總一員署多  
坍塌不可居

右司把總署在縣丞署左後廢改建書院

有碑志

千總梁相臺捐修衙署照牆一座大門三間儀門三  
間大堂三間有古栢二株上房三間周圍垣牆道光  
二十九年三月興工九月告竣

漁洋關衛昌營後司把總衙署一所轅門左右各一

間照牆一座大門三間左右廂房四間把總馬子英  
重修大堂三間左右書房三間廚房一間馬房一間  
先年城內街道並無柵欄不能警夜故有盜賊同治  
十三年知縣鄭敦祜擇各隘口建立柵欄兼飭街更  
巡查盜風頓息

廟

文廟

照牆一座 周圍皆磚牆下馬禁石二塊

左禮門黌門一間 道光三十年李煥春重修

右義門黌門一間

長樂縣志

卷之五

建置

五

櫺星門一座 泮池一口月宮橋一道

大成門三間

東廡六間

西廡六間

大成殿五間 月臺一座後厦梁折李煥春修

崇聖祠三間 前有明倫堂三間互見祠堂註光緒元  
年知縣鄭敦祜重修明倫堂

五峯書院文星閣 光緒元年知縣鄭敦祜修理

關帝廟土司時原有乾隆三年重建在北門內照牆一

座戲臺一座坍塌抱厦三間咸豐元年李煥春與城

守千總朱發科重修同治九年龍兆霖修葺後殿

一在白隘保創自前朝銓鑄

神像高約八尺乾

隆年間守備白進才重修嘉慶二年四川敘馬營千  
總苟文德因是年白蓮教盤踞白隘寨至六月

神顯靈逐賊遂得勝故重修云

一在石梁司保

一在水滸司保原名青龍觀

一在長茅司原名宣遠寺土司潭

建

一在白鹿莊

一在漁洋關保原名隆慶寺道光二十二年建

一在灣潭保有二一為武營建一為本地土民建石

長樂縣志

卷之五

建置

五

門樓一座戲臺一座大殿三間僧房廚房三間

城隍廟

在萬壽宮右照牆一座頭門三間戲臺一座  
照坊一座左右曹官十二間大殿三間進內  
廂房四間穿廳一座後殿三間廚房一間乾  
隆三年建道光十四年重修一在灣潭武營  
旁大門一間正殿一間縣丞楊開鏡重修一  
在漁洋關正街東首前縣同知時王信芳建  
道光年間重修

火神廟

火

臺

東嶽廟

一在漁洋關一在橫溪口一在長樂坪一在  
葛蒲溪保一在水田子保一在石家保

向王廟

在高尖子下廟供奉廩君神像按廩君世為巴  
人立者特務相為關關之主有功於民故今  
施南歸巴長陽等處尸而祝之世俗相沿但  
呼為向王天子而不審所由來水經注云廩  
君據夸水而王巴勝之水即長昔武落鍾離山  
崩有二石穴一丹穴一黑穴務相出於赤穴  
姓巴氏出於黑穴者曰曠氏樊氏柏氏鄭氏  
五姓爭為神以劍刺穴能著者為神廩君務  
寺觀志

長樂縣志

卷之五

六

相劍獨懸又以上船浮水中務相船獨浮遂  
乘而下又射鹽陽女子神而立夸城居之遂  
王巴中向王即相王之訛也長陽縣志

楊泗廟

在漁洋關保天堰坡又名觀望坡一在水田  
子保一在石架保劉家坪

財神廟

在漁洋關正街古廟也漢陽商人修之建有  
在漁關規模整齊額曰晴川書院

五童廟

在漁關保漢溪南岸田氏廟也

祖師廟

在卸甲寨殿宇三重一在天生橋頭石岩上  
廟宇一大間險若雲梯一在楊橋山保永鎮  
上山

九龍山廟

在漁洋關公甲前明時建道光年間邑監  
生周明玉補修有大鐘一口

雲龍山廟

在任家坪保前明時修有石桅一對

觀音廟

在漁洋河南岸



仁威廟 在滑膏嶺

繞水廟 在漁洋關

泰山廟 在升子坪乾隆年間劉姓施田一契道光年間劉魏二姓重修一在菖蒲溪保一在長樂

荒口

天齊廟 在長樂坪一名太山廟今圯邑庠生田嶺南

新興廟 在抵東保新興橋上

寺

圓通寺 在南門外坡上五峯張土司時建寺後石巖

環抱地勢緊密雖規模湫隘而境甚幽雅登而望之石梁五峯諸山皆歸一覽城河在前如襟帶然

泰山寺 在城北金鰲洲前任徐輔忠重修後有古楠樹一株火燒不毀至今古幹輪囷枝葉繁盛

長樂縣志

卷之五

七

互見金鰲洲註一在灣潭一在菖蒲溪保一在石梁保核桃坪謝占斗建

壽常寺 在漁洋關汛下創於唐歷宋至明成化間補修萬曆四十六年庠生李時彥之嗣棄儒為僧傾囊倡修殿宇始潤有碑記

在城東白鹿庄金堂嶺上

金佛寺

觀音寺 在烟洞子保南七里餘有石洞寬曠如屋其中通明康熙五十八年安陸陸程宗岳托足

此洞修木像大士一尊勒名觀音洞乾隆二十四年邑庠生劉士榮父明臣修兩殿於洞上觀音寺下有鏡瓶巖

在探花保今為關帝廟土司所建廟有二重後楹古松一株大可兩人合抱數百年物也

宣遠寺

白燕寺 在長樂坪保前明建今殿宇無存僅有遺趾

復興寺 原名經堂寺在尤溪保河之中嶺上土司時建道光七年王氏闖族重修更名為復興寺

前有古松一株高四丈餘尺圍徑一丈二尺

慈雲寺 在石梁保

南山寺 在石板保距城一百九十里明末遭兵燹今

福田寺 在立界山保九個灣

頌恩寺 在平溪保

廟堂寺 在升子坪荆竹園上

祠

龍神祠 即水府廟在城內安化橋東首大門三間左

崇聖祠 在五峯書院內文星閣旁

庵

長樂縣志

卷之五

寺觀志

八

劉家庵 在界山保有二乾隆年間建嘉慶年間里人

隆慶庵 在漁洋關趙家坡前古菴也原供關聖帝君

白衣庵 在縣河西岸

壇

社稷壇 在南門外三里乾隆三年張曾毅建大門一

常零壇 在南門外孟夏行禮畢則先祭山川次祭社

厲祭壇 在北門外教軍場每歲清明七月望十月朔

迎在城隍神於壇上以多紙作牌位寫無祀

之鬼魂字樣列於壇下兩旁猪羊飯酒紙錢

### 先農壇

在南坡上離城二里乾隆三年建正殿三間  
今壇臺一座久圯前有石砌拜臺下有耕  
田水田八丘旱地一段收租穀各一石四斗  
三升正中供先農之神木主紅漆金字

### 院

#### 五峯書院

舊在東門坡上松樹灣乾隆二十九年建  
道光十八年前任胡馨倡修今地至楊任  
工竣大門一間魁星樓一座前有花牆咸  
豐元年首士黃承榮與大門重修進內左  
右齋房各五間講堂三間左右廚房各一  
間左廚房東首進內齋房十間上五間咸  
豐二年李煥春  
任內重修

#### 灣潭書院

在縣丞署左本為右司把總署乾隆三十  
六年縣丞潘含章改建

### 閣

## 長樂縣志

### 卷之五

庵壇志

九

#### 文昌閣

土司時建於西門地乾隆二十九年前任丁  
倡捐建於劉家坡松樹灣嘉慶元年前任王  
諭貢生陳體愛等捐建十二年興修於今之

#### 觀音閣

在石梁保土司時建於河西獅子坪乾隆間  
移建河東青樹坪  
一在任家坪保柴埠溪邊一巖離地二丈許  
巖中一小堂堂上一石座上供銅鑄觀音像  
石座左右有二清泉井四時不涸又一巖直  
抵溪心長有數丈上有數石柱如竹排列近  
日居民更修廟宇佛甚靈應廟下一泉出魚  
名魚泉前對鳳凰山如屏羅列為邑中勝景

### 觀

#### 白水觀

在大面保七王冲頗平衍中起一山高百尋  
四山皆出其下泗坪之水由地中伏流自此  
冲始湧出圍繞此山山起兩峯聳峙石壁如  
截路逕崎嶇土人建廟於峯巔對啟二殿簷  
抵河邊中接石橋鑄有銅佛甚靈應又鑿  
石磴曲折而上則一水護綠四山送青第見

五龍觀

白雲繚繞蒼波蕩漾使人目炫心悸每修廟時即有霧雲上護使工人不怯

感應觀

在大灣與穿心店對面

重興觀

在百年關山頂最高處望之若在雲中

鷄爪觀

在麥庄保土司田明如雍正元年建嘉慶二年征白蓮教就觀鑄有千觔大炮一尊

威靈觀

在石柱山保威靈山上

青龍觀

在水濼司即宋國輔家廟也

關帝廟一在楊橋山保武舉

雲臺觀

在黃連山上前明所建乾隆五十四年重修下臨阮家河上接雲漢前路兩旁均有石磴

登乎其湖南深溪漁洋關界山紅岩腦壺瓶諸山皆在目下廟後另生一尖上建一廟俗稱龍頭香

長樂縣志

卷之五

寺觀志

十

麒麟觀

在水田子保

仙童觀

在白壁岩下岩如仙童狀土人建觀其上即以此命名

回龍觀

在中坪迴龍山上

顯應觀

在柴埠溪玉樓口山勢高峻土人建觀在於崖巔一世述錄在石梁司

仙女觀

在白溢保峻峯上不知何代建有舊土司標下親丁營正總兵桂崇臬碑誌

馬頭觀

在石板保觀在岩上下即交宣都界

扁担觀

在水田子保漁洋關小河上半項頸西

冲天觀

在抵東保見朝陽山註

朝陽觀

在長樂坪保洞口見仙鶴山註

仙鶴觀

在長樂坪保洞口見仙鶴山註

仁和觀在仁和坪大路邊觀為祖師廟

宮

萬壽宮在武廟右前任王久益改為赤帝宮廢戲臺今仍舊因坍塌同治九年龍兆霖捐廉重修

佑聖宮在烟洞子保乾隆三十九年邑人胡文虎建嘉慶二十年文虎孫歲貢生聯春因殿宇傾頽移於仁和坪更名仁和觀道光二十年聯春等重修復更名佑聖宮廟後古松樹楓樹各一株一在仁和坪

二嶽宮一在三岔溪一在王家冲墾有南東二嶽神像宮在垂楊樹下其樹圍徑數丈枝葉盤錯數百年物也一在石梁保由南坡上

福德宮在長樂坪大路旁

永鎮宮在長樂坪大路旁

太平宮在黃連坪乾隆五十年戶書劉序國倡建

鎮龍宮在平溪保乾溝嘉慶十三年建咸豐元年重修襄陽廩生汪志堅題詩云四壁雲山聽鳥語一溪春水繞龍宮

長樂縣志

卷之五

宮觀志

十一

太和宮在黃湘坪保木孟山於乾隆二十年里人得銅佛一尊因建此宮現有碑誌

坊

仁育坊在城內南門正街

潔靈坊在城內北街

德政坊在城內橫街一在漁洋關正街

三元坊在漁洋關河街

雲梯坊在漁洋關橫街

仁和坊在灣潭正街

土地坊 同上

節孝坊 覃向氏坊在採花保地名後荒

崇仁坊 在漁洋關正街

里仁坊 在漁洋關下街

堂

觀音堂 柴埠溪北山洞深邃石壁峭立中有石殿高廣前有天泉懸滴音响清越其佛有叩則應

常有僧道住持其間時人比之武林菡舍世傳有異人自稱竹王游此留宿而去竹王蓋

即施州夜郎也舊志田文相記畧

留蔭堂 五峯張土司老宅在南坡老衙上

六懷堂 見世述錄未詳其地

長樂縣志 卷之五

古蹟志

三

古蹟

門

文衙門 在石梁司今廢門龕石砌猶存

武衙門 在石梁司縣河對岸今廢

新衙門

舊衙門 以上俱在水濫司唐土司分泊處已鞠為茂草矣土人猶以為地名

老衙門 在採花保相傳為長茅覃土司署今遺址猶存

樓

聞喜樓 土司時建在今署後改土時廢無遺蹟見裔氏竹枝詞註

望湖樓 在白溢寨玉屏山下相傳土司唐鎮邦建置帥府中俾其舅田雙雲得以登高眺遠下望

湖水者  
今廢

### 臺院

#### 採花臺

相傳為土司婦女採花之所下有撒花溪採  
得花朵撒於溪上隨流奔放以怡厥情者也  
今紅芳盡歇惟臺  
址僅存耳

#### 藍家花院

在陷馬池月朗山頭屋基重重山下一水  
環繞約一里餘水底鋪石平淨溪旁兩堤  
亦如之相傳為藍氏水閣舊基又連架二  
石礮礮上雕刻花草人物形狀華麗令人  
觀之有花草幽徑  
衣冠古邱之想

### 金石

#### 魚洗鐸

漁洋西十五里黑林溝有居民向姓者於嘉  
慶十五年往溝邊用內拾一銅器其形如鐸  
有柄而中空高一尺許寬四寸餘擊之有聲  
清雅可愛識者以為漢時物邑人楊鳳山購

## 長樂縣志

### 卷之五

三

買之置之六山書  
屋中名魚洗鐸

#### 古銅瓶

漁堰子保柴埠溪嘉慶二十三年有農人鋤  
田得一瓶高一尺五寸圓淨蒼古通身銅綠  
腹際橫紋數匝肩有兩耳繫二環不知何代  
所製或謂田土司唾酒瓶未審是否藏漁洋  
關賴榮光家

#### 金獅鬮盆

漁洋關西南松林坪有居民於乾隆五十  
年田作掘得銅器一件若沐盆中有獸形  
高五六寸以石刀刮磨之則鑿矣居士秀公  
訪諸識者曰此漢時物也見楊暉菴古蹟考

#### 土王鐘

一在城內關帝廟已破一在石梁司觀音庵  
均係土司田舜年所施上刻伊夫婦親屬名  
並銘以皇圖鞏固帝道遐昌風調雨順國泰  
民安詞今人猶稱為土王鐘

#### 將軍炮

嘉慶初年白蓮教黨林之華覃加耀等由長  
陽竄入縣境之白溢寨負隅憑險拒敵官兵  
總統威勇侯額勒登保等四面圍剿以山勢  
險峻難近需用火攻故就地鑄炮以資轟擊

賊無糧食以故相攜滾岩死者炮轟死者不計其數遂至淨絕事後炮重不能運出遂棄諸草莽之中今麥莊保之雞瓜觀桐子灣水瀝之高腦嶺各有大炮自二百觔至一千三百觔不等尚有嘉慶二年鑄

### 藏金匱

在白溢寨巖下有寨洞洞內石棹石機俱備旁有石匱相傳為土司唐鎖邦藏金之所匱蓋一揭即有風雷大作人不敢開下為二黃坪坪中插一腰刀有程熊氏扳其銷刀仍在

地中輒得顛疾

### 盛水缸

在白溢寨上有石鑿大水缸周圍刻花草中可容水百石唐土司鎖邦建帥府時制也今帥府已廢缸大半陷入土中

### 石亭

通志載縣北三十里水瀝下週圍水寬數丈石柱中立基址猶存相傳土司避暑處

### 石獅

漢溪南岸天宮鼓前高有六七尺左右排列皆天宮向邦遠遺跡也

## 長樂縣志

### 卷之五

#### 古蹟志

#### 古

### 天宮鼓

漢溪南岸坪中有石獅二座石鼓一對在向天宮墓基前今向氏子孫繁衍春秋祭掃常誇其先

### 樹包碑

在城南十五里石梁保內碑最高大相傳初立碑時樹僅拱把後漸長將碑包於樹內至今大逾數人合抱碑僅遺寸餘於外字跡偏

### 界碑

在水田子保雙石門上古長陽石門宜都分界處下有路二一由古牛岩通界山一由升子坪仁和坪楊橋山通松滋一在灣潭牛回子下鶴峯州長樂石門分界處一在白溢保

有漢土分疆碑 雍正九年立

### 古城

在麥庄保周圍皆崖惟有二路可通水瀝土司唐鎖邦建有石城至今遺迹尚在寬二三里

## 橋

### 安化橋

有二一在城中舊名得勝橋架以木板上蓋瓦屋乾隆四十六年被水冲去前任史偉烈



倡修碼頭壺洞欄杆無不具備人咸利賴之  
並有碑文見藝文志橋中青石上白紋宛若  
太極暈曰石橋觀圖又青石白紋如魚形曰  
石魚呈瑞為縣景之二名人皆有題詠一在

漁洋關  
下橋河

### 臥龍橋

在漁洋關南松林坪接連四座皆石磴木梁  
高三丈寬八尺許上覆以屋兩旁設欄杆橋

下亂石羅布或臥或立或豕獠如猛獸或方  
平如几席又有如道士羽客狀每當秋夏之

交風月之夕里人士遊憩其間聞嶺上松濤  
聲與水石搏激相應覺爽氣襲人低徊流連

而不能去因橋臨深潭古稱龍窩故名其橋  
曰臥龍道光二十八年居士楊旭菴倡修

### 長清橋

在清平橋為東通松枝二邑要津皆乾隆二十  
九年居民許上

挹劉季康建

### 媳婦橋

在城北水盡司相傳媳婦能孝其姑姑病媳婦  
愿修此橋即愈橋成因以名之今廢遺址猶存

## 長樂縣志

### 卷之五

古蹟志

五

### 大橋

在水盡司今廢

### 青石橋

世述錄載在五峯司

### 福德橋

漁洋關公甲牌樓口下乾隆四十四年邑人  
汪曰先領修道光二十一年邑貢生周之翰

補修並捐錢貳佰串修橋外上下路七八里  
邑庠生向雲翱撰有碑文

### 高橋

在界頭保鹹池溪闊丈餘高數丈橋上架屋  
數楹溪水潺湲樹木掩映暑月憩息其上極

為幽絕一在尤溪保龍洞下里許高數十丈  
石砌甃洞橋下潭深亦數十仞乾隆年間修

### 會楊橋

在長樂坪中橋東多會姓西多楊姓

### 桂花橋

在灣潭下

### 香溪橋

在本城香溝

### 石橋

在本城保石橋溝

雙石橋 有二均在長樂坪腰牌下

蟾蜍橋 在乾溝為往來要道董作雲鄒忠良建

三板橋 在三眼泉保巖板河上

新興橋 在抵東保對池下明天啟年間建有石砌壘

廣濟橋 在漁洋關一在菖蒲溪

廣生橋 在升子坪牯牛岩下舊有橋名大武被水冲

環青橋 以上二橋相近在笏家坡下離漁洋關不遠

五龍橋 在漁洋關至營汛處

向陽橋 在菖蒲溪保紅魚潭上往長陽要道

草橋 在橫河上下鋪木板上蓋草屋 在東門外

長樂縣志

卷之五

橋梁志

六

自生橋 亦天生石橋在通塔坪鶴長交界處

仙人橋 在漁洋關公甲溝溪間自生石橋一座高數

丈長倍之橫跨兩岸中彎如弓大類人工所

鑿去橋北數武間一小山東西有洞水自西

洞入至東洞出好事者秉燭以進見洞中雨

壁石紋蜿蜒如龍形矯矯欲活驚懼

而返一在抵東保軍架山後

通濟橋 在漁洋關水田街乾隆四十五年建有邑侯

王需霖學師沙象乾碑誌一在壽常寺前

問桃橋 在長樂坪保嘉慶己卯年建邑貢生田浩如

有序見藝文

漢洋橋 在漁洋關柴埠溪口兩山對列坡陀峻險下

置石橋二洞跨澗極寬平鶴樂出入要津也

名年月無考

萬安橋 在長樂坪把把舖嘉慶年間鄧姓

建邑貢生吳炳文撰有神文

竹橋 在麥莊保

百順橋 在大面保通塔坪去三十里與鶴峯交界  
土司時建道光二十八年邑民重修

觀龍橋 在觀壩

仙龍橋

飛龍橋

興龍橋 以上均在菖蒲溪

百子橋 在漁洋關對河一里向姓求子修

天生橋 世述錄載名天星橋下數十仞深坑天生石  
梁為橋上有樹木陰翳亦仙境也今在城東  
北三十里青巖冲下題詠甚多邑宰李煥春  
有詩并序其景云

鳳林橋 在尤溪保响水泉北郊之衝也值春水盛漲  
水石相激行人阻滯蓋有年矣道光癸卯春  
生員杜岐庭向光瑞監生田靜山捐資修橋  
費石工百餘片石架之長一丈四尺濶三尺

長樂縣志

卷之五

橋梁志

七

餘寸前任喬邑侯之妹丈朱菊人贈其序而  
並題其名曰鳳林橋

楠木橋 在採花保中溪河上白岩園所出之水流平  
其中舊以楠木為橋道光二十七年邑監生章  
長新倡建石橋

橋名依舊

楊橋 在楊橋山保

永興橋 在黃湘坪保清水灣里人劉季康修費四百  
餘金

乾溝橋 在平溪保乾溝路上

萬福橋 在漁洋關麻溪冲原名三元橋後改修為萬  
福橋生員蔣志傑有序

梁渡附

石梁 在石梁司名樂善橋

義渡 在漁洋關為往來要津上渡鄧家坝下渡青  
樹坪邑人張先傑上渡施田二十五亩下渡

施田二十三如龍屋各五所船二隻渡工二  
人經理木橋二架水涵用橋水漲用舟立有  
條約渡工由地方  
公舉由縣而定

### 關隘

#### 長毛關

見長陽志即今長茅司五峯張氏家譜所載  
舊設長茅指揮一員處後為容美田土司所  
殺遂為其司  
官關今無

#### 菩隄隘

見長陽縣志即今菩隄寨賦役志縣卷均誤  
作蒲地界原長陽設巡檢處天啟元年容美  
田土司滋擾菩隄隘巡檢兵少退保漁洋關  
天啟七年土司遂有其地巡檢廢

#### 漁洋關

本長陽設巡檢地康熙年添設把總二員兵  
五十名雍正十三年改土後撥入縣境其地  
山水團聚景况幽秀設有壘市日中交易往  
來輻輳人及稠密風尚文雅田土膏腴雞犬  
桑麻如桃源仙境外去夷道即宜都縣一百  
二十里兩山交互中有漢陽河一道可乘小

## 長樂縣志

### 卷之五

關隘

六

舟每於傍晚停泊處曲唱聲聞如隔塵世漁  
關曉唱為入景之一題詠者多又漁洋八景  
日漢溪夜雨峽口漁唱古嶺夕照趙坡秋月  
灘口早霜隆慶晨鐘連山晴雪天堰曠霧按  
趙坡秋月又作  
龍潭秋月

#### 百年關

離城一百五里古屬長陽設以堵禦土司者  
乃荆郡要隘改土後撥入其地在長樂坪曾  
家土地下山勢高峻路極險有石一將當關  
萬夫莫越之勢再按舊時深溝亂石不可攀  
越人苦登降乾隆十年衛昌營守備王烈偕  
募修整造為石礎始免戒心有修路記以誌  
其事記

無考

#### 紅土關

#### 漂水關

#### 小章關

後關 以上四關均在玉屏山白溢大塞土司唐鎮邦田雙雲所建今廢有塘互見寨類

園

亦樂園 在縣署內舊名繫園前任劉煜所創喬守中曲逕通幽排闥而入有二小石橋過橋有方舟草

麗一宮門外雙桂亭亭下壘石為小山一座前鑿萍池一口兩岸竹樹陰森舊有板橋一道過橋有涵

春草亭今廢四時景趣佳絕公餘之暇朝夕游泳其間花鳥樹木一泓水色四顧山光俱可移情前

任孟胡諸公每招集士人或飲酒賦詩或讀書肄業因有繫園八景之目曰草堂風雨茅亭掬月短

橋流水十里孤燈桃浪觀魚稻香入座方舟紅葉帽山晴雪

又城中八景

松嶺濤聲 城東山坡前任吳榛遍植松樹至今幹若蒼龍葉成翠蓋每於風起輒有濤聲肆應

長樂縣志

卷之五

園

九

足為俗耳針砭詩腸鼓吹

城河水韻 城中溪河一道自板倉坪來流入長陽之聽之清韻不絕

舊作城河春漲

石魚呈瑞 城中安化橋青石上白紋有若魚形頭尾身體宛肖又兩面對成如太極圖亦作畫

橋觀圖

南坡煙雨 近城南山坡甚高峻當烟雨空濛都成畫

隍廟曉鐘 城中城隍廟每於向曙鐘聲輒動塵夢都

書院夕照 五峯書院建於松嶺半間高插雲霄每於傍晚夕陽在山紅霞燭天可以悅目賞心

西山雲景 五峯等山附近西城峯尖似筆每當天陰輒有白雲繚繞起於半坡之間與天一碧

隨有霖雨崇朝雨遍四野

紗帽晴光紗帽山在五峯山下狀似紗帽土司時舊有是名每天色晴明山色葱翠照人面目  
舊作帽  
山晴雪

又城外八景曰

鰲洲火樹即金鰲洲 灣潭秋月 漁關晚唱 石柱排雲即石柱山

壺瓶滴翠即壺瓶山 石橋天生即天生橋 白溢晴嵐 菩提霽雪

即菩提寨一作蒲地 界長陽志作菩提隘 以上與漁洋關八景並多題

詠故附記於此

毛竹園縣丞與典史分汛卷今未詳其地查茅坪上有荆竹園疑即其地

白鶴園在茅坪上界頭保內

茶園石梁司上有茶園坡

長樂縣志

卷之五

園

二十

椒園在灣潭保菩提界上設塘房處賦役全書作蕉葉舖

枹水園一作枹音咬在採花保

水瀼園有唐氏墓碑見藝文志後人皆以水瀼源通埕坪為一今在大面保內

大竹園在長樂坪保洞口山後

荆竹園見上毛竹園註

甜竹園在灣潭牛園子左

楸木園在石梁保茅坪上

前茶園在水瀼保縣河對岸三園相連

古墳園在城北十二里水瀼保縣河邊上有水瀼司唐鎮邦祖墳七塚一在立界山保交灣潭保

之河  
坪界

漆樹園 在石子冲保周二里中甚平坦

水利

紙碾 橋河三 兩河口三 黃龍洞三

橫溪河三 楊家河一 松林坪一 漢陽河一

唐家河四 皆里人所造

紙碓 橋河二

香弁車 響水洞六 黃龍洞四 象鼻嘴一

松林坪二 阮家河四 灣潭牛鼻孔上二

榨碾 黃龍洞一

河墻 石梁司一 峽口溪上一 曹家坪一

長樂縣志

卷之五

附水利志

三

艾家坪一 二房坪一 象鼻嘴一 松林坪一

堰塘 觀垵塘一 雙土地一 麝香溪一

陳家灣一 長陽溝旁一 李家坪七 大房坪

二 二房坪一 三房坪二 曹家坪一

楊家坪一 尹家坪一 庚家坪二 四灣內三

漁關汛署前二 小觀垵一

皆人力築成可以灌田蓄魚